

劉
尚
賓
文
集

劉尚賓文續集序

元季擾攘我

太祖高皇帝手提三尺劍起淮甸

應天順人汧掃夷夏而時朕躬

心膺之臣率皆披肝瀝膽獻忠

效謀故不數年天下混一功成

治定乃大興禮樂於是乎典章

文物巍然煥然上有以比隆唐

虞夏殷周之盛下有以垂

聖子神孫億萬載無疆之弘休蓋
有一代創業之君必有一代輔
治之臣雲龍風虎一感應自然
之機也若安成劉迪簡先生在
有元時厲志窮經寒暑不少休
尋章摘句駸駸暮景自分終不
可起矣一旦以布衣遇
真主一言契合即以為尚賓館副
使蓋用之以延天下之士而接

賜進士出身河南按察副使致仕
古雄高宗本序

劉尚賓文續集目錄

卷之一

四言古詩

六義山房詞

題收綸圖

題僧桂古香山房

味菜齋為程僉事作

神測詞送徐文淵歸浙東

寄安西省鐵員外

詩蒞為河朔掾郎高本中作

五言古詩

種菜

和周以常韻

贈丑的平章等歸燕

題胡憲民憲史齊老堂

明月篇

中書司楊郎中長嘯亭

對雪以隨車翻縞帶分韻得帶字

飲酒以三山半落青天外分韻得外字

洪州城破後衣短衣擬上平章乞長衣一通

効六朝體賦萬花春雨得霞字韻

奉和沔陽家兄酌酒梁丈夫墳

壽寧堂代何武議作 老人黃 就除副使

張推官乍離所居諸公至其後堂以酒盡沙頭雙

玉瓶分韻得頭字

謝僉府督收今年租賦治才郎之城隍廟博士作

詩以美之用次其韻以寄僉府

七言古詩

贈山陽陳縣丞

為吉水費知州作

贈馮秀才嘉興府倉官

贈僧楚材歸葬母

吉水費

知州

號三窮

贈王

縣令之官

松陽

高仲暉

韓仲弘

將遷

新城

詩以

為別

竹屋

王君輓詞

壽寧堂為文都事作

太義

元年

八月

六日

陽州

境內

外數

十里

大雷

雨雹

是夕

震

死者

六人

中雷

箭者

一入

次郡

博士饒國瑞韻

古樂府

江秀才無僕曲

綠綺剪茸裘詞

秋月

篇為

章貢

鍾君

作

君生

八月

十五

夜

題建

昌饒

將軍

東山

歸隱

圖

寄蕪

湖高

縣丞

左主

簿

公館

夕茶

曲

鼠易馬詞

金玉篇贈黃生

贈丑的平章等歸燕

奉荅宣州陳子將知府

山木詞贈賢良鄭彥材歸浙東

竹坡為王總管作

坐高堂詩

歌行

送信州府知事許子聲

段家湖歌送秦湖官

黥縣丞寄子節家兄

井索行

兩星行奉寄江西省諸掾郎

送李湖官

寄荊州參謀劉賓旭

九華山歌送池州湖官

烏程戴主簿曲

水木居長歌

沓雞曲

送石外郎張外郎江西掾并呈江西參政汪先生

贈殷秀才

臣老矣行贈劇子中乞身歸杭州

不吐茹行贈趙莖乞歸杭州養親

疑道籍用胡大史鼎實韻贈三凝道居士

巾峰圖歌為樂公遠作 贈黃生歸浙東

蔡令禱雨詞

冬夜長一首

奉題秋碧圖歌

用前韻和荅謝雲屋

用前韻和荅謝僉府

五言律

湘中表氏穴地葬其母未葬穴中生靈芝兩莖

寄謝新建尹許君

仲靜問有書寄子長否作五言詩一首

挽李先生

奉和謝僉府宿高牛市慈雲僧房

和歐小官人

七言律

送郭主簿之始興縣

挽小歐平章

寄太平程知府

寄饒子律經歷

贈黃知事歸嘉興

贈丑的平章等歸燕

贈無為知州馬文德

和張玉文監縣卞壺將軍墓

挽前江浙省丞相蒼失迭木兒以其靈柩歸北燕

陪陳使君遊馬院廢基

和

羅先生書舫

壽寧堂代人作

奉和文廷家兄和荅送菜之作

陳丞相生日

九日和陳仲益韻

和伯顏子中署

次劉伯章僧房韻

奉和謝僉府三首

贈吳止善之寧都州都目任

贈朱誠則秀才亂後歸田園

贈王巖師住米山

奉和兵部主事漆

分曹至瑞州雜詩三首

奉和汝南陳君賦宜春臺

七言絕句

聽泉鶴二首

題畫

題山水圖

題徐少卿著人出獵圖

贈丑的平章等歸燕

壽寧堂代人作

奉和遜翁先生芍藥一枝簡贈文廷先生

奉和文廷先生三首

相訪玉巖師久候不至題詩壁間而去

贈魏生賁文二首

蘆花下垂一蟹露半身出于崖下仰腹而卧伸螯

採取蘆花

胡公下馬解鞍而坐視馬對胡人則仰卧而長嘯

題耕莘圖二首

題寄梅圖

詩餘

紫蘭香

飲酒洪之紫極宮賦鴈韻軒次戴仲靜醉高橫

贈高安簿尉施德祥就任改辟宣徽掾詞

朝中措高安縣弓手等餞施簿尉

馬侯錢經歷彭君解任朝中措一曲

卷之二

序

送江西省宣使王伯源使袁州序

送余國善之金陵序

送袁州袁國公府參軍龔晉明之金陵序

送劉主簿之任丹陽序 送李經歷之任安慶序

歐陽南吉醫士序

送提刑按察使王伯昭之任浙東道序

送齊經歷序 送司內藏宗用和任滿還鄉序

送鹽場管勾序 贈鄭孫序

贈周伯序 贈長川縣丞余宗陽序

贈彭典史序

贈曹主簿序

贈鄒經歷序

送鄧作霖序

送張安之告歸序

贈何秀才歸閩中序

贈曹生序

贈憲州簡同知序

贈南海縣令序

贈長樂縣丞序

贈鐵員外序

贈山西省鄭李二賓客序

贈陳主簿序

送醫士易致和還鄉序

贈許時用序

贈張士諤還浙東序

贈草堂醫士序

贈清江縣楊典史序

贈瑞州彭經歷去任序

送吉安胡太守序

記

止水齋記

夢晉堂記

臨海縣志

瑋翠堂記

卷之三

書

督勸叅政書

贛江西省傳提刑書

上傳叅政書

荅郭士中書

戊戌五月擬上劉晉昭叅議書

上魏觀察書

回瑞州馬總管見招書

上魏觀察書

雜著

山東通志

雲溪說

書

跋徐縣丞任滿序後

雜著

清開設義塾榜文代人作

禱雨文

禱雨龍王文

運糧禱雨龍王文

平陽府志序文

大義二年

代瑞州路

瑞州路

瑞州馬總管

馬侯本

孝經序釋

讀春秋以

與朱允升先生辯讀易考原十二條

答朱先生詩釋疑問十條

卷之四

奏疏

因不雨上書

上書

為天旱災陳言

定冠服

擬懷四夷詔

陳言時事五十條

附錄

送儒士迪簡劉先生序龔曷

奉寄劉迪簡

送劉迪簡 聞禮

贈劉迪簡 元健

贈劉迪簡 子蘭

中秋對雨奉寄劉迪簡 子蘭

古體呈劉迪簡易子蘭 口號呈簡庭兄

癸卯暮春呈劉先生迪簡 雷徵

擬古雷徵 馬市詞雷徵

至正丙申南昌民斃一虎昇至省中解之

集詩詞伯真

避嫌紫霄宮分得山字劉恂

懷古雷徵

卷之四

有文續集卷之二

河南按察司副使古雄馮宗不編次
直隸揚州府同知曾孫男劉衛校刊

四言古詩

六義山房詞

大序曰詩有六義風賦比興雅頌詳其立言之法
以風雅頌三經定上下之體而函賦比興三緯居
中故釋詩曰風雅頌三經也賦比興三緯也南豈
丘思齊有六義山房為之詞曰

詩有六義義也何其風人之辭宛轉委蛇婦女歎息國人
意欲雖怒不愁中心怛而雅者正也明白是非流涕痛哭
發揚鋪施大夫陳教老臣刺譏頌體湛深束帛不為人言

升歌宗伯祝釐茲名三經創體可稽用賦比興三緯繼之
三經不動三緯互馳織成文章五采紛披龍鸞騰翥
姜莊漢魏迭宕古法寢襲唐工近体宋用文爲博雅
屏絕弗窺締構山房力古是追今
上章命祀事孔熙宗廟人鬼天神地示皇帝出房迎牲殺
犧必製雅樂爾其庶幾

題收繪圖

有美一人小冠長裘江天無人木老盤虬垂綸得魚下水
船流沽酒今夕樂以忘憂

題惜桂古香山房

金陵官守講宮仍墻左右附翼比列禪房牙籤在軸藏
鳴鏑惟清片木花明焜煌有僧畫定神知閑藏如未生前

天地混茫大虛一體不露文章移時出定日下石床
人聲古桂飄香其氣酷烈肌骨寒涼靜者觸之內躍騰
公茲不已蹈厲發揚因悟佛言救活機張援之製號昭示
無忘大夫君子每接群芳亦好詠之斯言斯臧

味菜齋為程若晦按察僉事作

東隣貴公烹羊宰牛走吏厨中趣迫喧啾何如程侯啖筆
無尤

西隣貴公鑿刀切肉勺藥調和味不饜欲何如程侯啖菜
易足

食肉人肥食菜人疲人疲如之何皮䟽面皺雖云面皺其
志匪陋

神測詞一首送賢良徐文淵歸浙東

若有人兮止水之淵其深黦黑神虬蜿蜒白雲庇覆靈風
蕭焉

寄安西省鐵員外

自公之去春徂夏臨圖荷出水灌木成陰柳花比絮麥芒
如針萬物長老人生曷禁

天兵迅掃其入深深西夏欵塞吐蕃獻琛函達省虎視
穹林員外制事輕重酌斟酌馭萬里夷夏歸心鞏昌從事
遠方是任受命幕下因獻斯吟

詩莊為河南掾郎高本中作此章殘缺

越中士子河南省郎雅好文籍買詩一注古經三百多咏
周王大義久泯草木注詳下逮漢魏古調汪洋靡然六朝
繡句絺章元氣之會鬱為盛唐詩二百家和鳴鳳凰冠以

李杜為之紀綱宋與文勝詩道不昌發越極盡諷諫查茫
元雖胡運製作鏘鏘清江夫子獨壓群芳我昔購求巨帙
滿房中遭兵火片紙失亡

五言古詩

種菜

西鄰高仲暉舍邊鋤隙地種蔬百餘本適遭時雨至我居
在東鄰亦復買秧蒔二人時往來窺園看生意

和周以常韻

周君少年時辭家去朝天黃金載滿裝散盡如飛烟爾來
一寒士無食又無錢無錢不留客無食只高眠時來賓館
中忍饑詠新篇

贈丑的平章等歸燕

金陵城東門主客紫翺翔繫馬垂楊樹王臺傾別觴水木
有本原人生懷舊邦舊邦在何處鐵勒陰山有龍頭逐狡
兔草間射黃羊窮旣以為廬飽肉以為糧茫茫沙塞白皎
月出東方夕坐不可久寒露沾衣裳

六月暑作雨江漢湯湯流大夫遠行邁龍灣共登舟踰淮
涉汶泗北上望薊丘我行惜日到藕花滿汀洲鳬鷺忽散
亂烟水涵清秋買魚梁山泊沽酒相勸酬

題胡憲民憲史新老堂

武昌胡憲史築堂扁齊老何人坐堂上白髮翁與媼新婦
問起居童孫戀懷抱厨人具甘旨驛吏遞羊棗我家二十
口骨肉不相保自經喪亂來埋沒隨百草前生修何行得
似胡家好

明月篇

明月生西嶺漸滿揚清輝群兒不曉事舉手爭障之月光
豈容障共笑群兒癡

毗陵孫子讓檢校山東省將行乞言於其友人典瑞
少卿陳如晦如晦嘗謂余言孫子讓年壯氣銳性敏
而通好讀史書所惜者少勤苦之工屈抑之志以從
事於讀經耳子讓亦求規警之言於余余謂之曰子
讓如寶刀須皮工為之室以韜藏其光芒利於佩也
故少卿有詩余兼取少卿意次其韻以為錢也

為儒與為吏好尚何其殊吏治如東濕儒者陳大謨兩家
孰見異其勢水火如冷官蒞公館性畏仍多拘譬如行道
路捷途寧迂途孫君獨好我渴飲痼疾蘇始知善為吏本

不輕文儒檢校山東省律令勤往敷快刀斫犀兕斷決寧
躊躇包以虎皮班精讀尼父書

中書左司楊郎中長嘯亭

諸葛抱長材隆中事耕釣自許一何高可見不可召三分
鼎足立形勢又逆料偉矣劉將軍系出漢宗廟大志似高
皇魯鈍寡言笑時人莫能知無誰可告詔所以蓄精思抱
膝吐長嘯悲風從天來雌蜺亘如燒山鷄出林飛野猿升
木掉獨立天地間宣心寫微妙美人何悄悄千載慕同調
揭扁華亭中後先相照耀

對雪以隨車翻縞帶逐馬散銀杯分韻得帶字

陽精枯水澤質輕羽毛壞分散滿天飛飄飄九州隘霑留
衫袖濡封柴樹身拜忽然亂舞列侵階勢豪帶海內賢豪

士公館晤言快殺鷄烹鯉魚炙牛切方塊雙杯左右行節
飲狂夫戒罷酒各賦詩言酬詰朝債

飲酒以三山半落青天外二水中分白鷺洲分韻得

外字

皇命建京邑南方據都會加威區域中馳書九州外有來
觀

國賓才華士林最傳經伏生流能官龔遂輩握筆鸞鳳飛
搗詞雲錦碎時當三月餘宿雨清晝對金陵酒賤沽秦淮
魚美鱸宜民又宜人不嘲亦不諍作詩紀茲晨除書念離
背

洪州城破後衣短衣擬上平章乞長衣一通

我有七尺軀服此短窄衣譬如鴻與鵠無翼不可飛平章

撫四海四海皆來歸衣被天下人而况一士微

効六朝體賦萬花春雨得霞字韻

冥蒙雲中君行雨滋春華陰精麗玉質水氣蒸彤霞翠禽
濕羽翼溪毛滯濤沙明懷金谷讌章詠玉皇家

奉和汚陽家兄酹酒梁丈夫墳

梁侯文法吏遭亂德行溫食少病初劇力任軍政煩株連
不敢聘小心奉轅門刺虎虜尾怒食羊羊首墳名為典大
郡虛托諸侯尊一朝棄公館二子千里奔扁舟載故視丹
旌引歸魂首丘不可返淒其望中屢感名憐豺狼草間一
杯存藁葬規燎地歲祠延諸孫猶勝大司徒其死不忍言
舊人李將軍服事父子論拾薪燒骸骨累盡竟迷皆同是
枯朽物人情重歸根况逢結交友掛劍感舊恩殺鷄炊黍

米崇祖盈芳搏緬懷平生親復爾綴斯文

壽寧堂代何武議作

卽官佐中書堂上慈親老長年不飲藥強飯顏色好堂階
獨行遲春朝常起早讀書教小姪會績招丘嫂生男事丞
相麾兵如電掃所過結知名賢人以為寶名州受教條小
邑順長道先轍薄大海海內窮諸島蠻王送降箋恐煩大
國討以茲北堂後不種忘憂草百年未渠央骨肉永相保

老人黃就陰副使

丞相愛鄉郡閔念何其仁恐茲吏治猛邑老蒞吾民再拜
謝不能我老乞閒身父兄教子弟子象共持循想當到郡
日士女候水濱起居問丞相屬意甚諄勤須臾挈壺觴飲
酒會舊鄰飲罷歎息言明府私情親詰朝典郡事乃用公

法陳國公丞相父蓋髮使君倫高秋鶴骨健玉露洒清神
耆年不出鄉相與樂天真

張推官乍離所居諸公至其後堂以酒盡沙頭雙玉
瓶分韻得頭字

推官好飲酒一甕在末頭我來至後堂糟粕猶未收
共列坐欲飲不可甌閑干徒倚遍孤負蘆花秋

謝僉府督收今年租賦泊于郡之城隍廟博士作詩
以美之用次其韻以寄僉府

我遊古筠州何處無炎暑薰風南面來飄飄葛衣舉城西
產高岡靈祠乃其所鳳凰展羽翼抱中如有貯後顧列千
倉右瞻儼庠序于時秋七月年登富禾黍四征給饋餉
天子正虛宇星言發租賦萬落來廬諒小家擔負至相屬

繭綰緒寡妻乞棄餘毫胥怒斬與籌吏咽叫呼斗夫疲力
脊監臨屢發奸光照爛如炬作堆礙行步飛芒遠深許君
侯實總督累日絕鞭楚架上掛長縲架下倚脩杵况乃居
高明儒生與共處買瓜自剖割誰與送官醕鳥飛從何來
魚遊在于渚中心炯消潔四水浮青嶼錢穀至汙卑羶腥
比糴矜君侯不自熱清人為伴侶驅車顧尔僕相戒出險
阻歸去來山中白石期同煮

七言古詩

贈山陽陳縣丞

山陽近日新被兵

天風迅掃千里平淮山蒼蒼虎猶吼淮水潏潏龍猶驚大
提取魚撥刺滿大倉納粟甌窶盡男兒耕桑女織布承平

待尔方經營

爲吉水費知州作

費侯出牧吉水州州在豫章之上流經生學士挂里住富
商大賈燕國遊文章五色決科第賞力鉅萬等王侯今者
蕭條何所有君當撫字心百憂

贈馮秀才嘉興府倉官

東南米粒甲天下顆顆白珠光聚舍上流諸州待解懸
年如玉知無價大家連艦欲迷津倉吏唱籌多入夜六旬
驛馬上通關鵬月邊頭來報罷

贈僧楚材歸葬母

上人昔歲慈母亡母喪至今猶未歲何忍遑遑走四方作
詩告歸謁君王君王讀詩未畢章曰尔休矣吾能詳忽遣

中使來山房因讀尔詩增我傷寵以篇翰聲洋洋屬辭命
意何霽滂大海之水龍騰驤上人拜捧歸其鄉幽閑衣被
日月光千秋萬歲祝無彊

吉水費知州

號三窮

我窮二子數亦奇三人甚喜同襟期道途更僕晨上謁妻
子分爨夕饋餼有帖乞糧仍未得無錢教子縱群嬉士窮
恨不窮到骨窮極可通方有為

贈王縣令之官松陽縣

今茲縣令昔伴讀蚤歲為客黃金臺大學諸生五侯子四
門博士天下材北邙鴻鴈消息斷諸夏車書氣運開尔之
生也應列宿舉翼南圖真壯哉

高仲暉韓仲弘將遷新城詩以為別

低頭讀書聲嘈嘈西鄰秀才韓與高來過同硯又同席出
去同餐還同袍欽客肅肅稱道德側耳歷歷陳風騷明當
別我新城宿及時一日走一遭

竹屋

子猷愛竹還種竹子今伐竹成室屋伐竹竹死笋復生竹
屋為鄰共幽獨闌檻空虛擎節鳴四壁風霜殺青綠有時
節下誤題詩拭去從教再三續

王君輓詞

梁園積雪天雨霜其子告我其父歲百人千人挽綈送送
者躑躅涕泗滂輕車都尉太原侯紫衣朱芾龍鳳章生前
富貴苦不早后皇幽閔垂榮光

壽寧堂為文都事作

丞相徵兵將三楚腹心羽翼皆龍虎文侯從軍有至樂樂
有華堂奉慈母華堂結構好綺䟽列周遭堂上大夫人白
髮春秋高眼明只欲拈針線與兒整過蟠花袍兒朝去謁
中書堂夫人且睡緩出房新婦床前問起居鼎烹爛熟大
官羊中書政罷日晏歸天下兵馬兒得知七閩使者來納
款明年毋啖生荔枝周人老聃留遺言師之所處棘生焉
君家錦帳繡屏風母子之樂長團圓君不見四年十海兵
火遍寡婦悲酸兒女怨天公與尔忠孝家群雄不得誇強
健

大義元年八月六日瑞州城內外數十里大雷電雨
雹是夕震死者六人中雷箭者一人次郡博士饒國
瑞韻

陰陽之氣溢而驕大兩震電馳風颺雷行空中屋瓦撼火
燒地上樹木焦我意天心垂告教父母長饑妻子飽一朝
記罪誅六人上清道士何由禱東邊樓子折大風西邊舍
下陰雨濛老翁出門中神箭習絰定是呼長虹仙官昨用
仙書檢天門號出重簾卷雷公受命紫微宮手把長盞尔
鏹剪天人相感甚分明善惡都緣念慮生不見今謄古時
事周公自此賦東征

古樂府

江秀才無僕曲

美人兮江秀才年五十髯其腮之官馬口湖中情鬱不開
無僕又無馭遠行良可哀秀才獨自去不必生疑猜
三四人亦可使令哉

綠綺剪茸裘詞

我有綺裘凍絲染藍浮茸光澤澤色瑩千丈潭禿衿短袖
白綿內函楚製戍削最悅美男始從天界寺前買銅錢斗
計十有三貴人衣之寒士強叅乃褻乃襲曰惟布衫以茲
內省心跡近貪意在溫煖則又何慙

秋月篇為章貢鍾君作君生八月十五夜故云

秋月有何好世人皆愛之八月十五夜正是中秋時其時
大暑方退炎火停威素九流中天白雪堆庭闔家家開門
戶飲食醉飽以嬉可是少陰生於太陽之中極其秀媚人
物眷戀相依隨水螢飛出草根網虫懸垂挂枝烏鵲夢覺
蕙草香披露井微凍桐葉光濕濕煜若寶劍陸離百果草
木收斂精英飲吸露水含華滋一氣辟群濁洗濯萬彙清

鄺二儀章貢君子其德方其容肅潔白見操持暮尚有似
此者故歌秋月篇以相貽

題建昌饒將軍東山歸隱圖

東山之顛兮睢陽為廟東山之趾兮淮陰為墳茲古之將
軍兮歲已久而名存乃今將軍兮山下為村斬山中之木
兮為兵籍山中之民兮為軍征鼓動天地陣勢合如雲天
下既已平定兮又偃武而脩文壁上掛弓劍門前牧雞豚
飛雲度絕壑疎雨來黃昏童子捕魚瀉溪水渾炊黍留客
張燈夕論

寄蕪湖高縣丞左主簿

蕪湖高縣丞艤舟江畔曾一識蕪湖左主簿金陵官寺往來
密遙想聽琴不下堂山色湖光映細帙山色犯蒼寒湖

先志既夕秀才能真白仙縣領湖職令我為書寄二公寫
書不成詩奉憶

公館夕茶曲

有來士子文行可嘉承

命入館書載滿車高依古史代言勿華貴游子弟貪讀謹
誇執筆擬議揀金披沙再三塗竄濃墨翻鴉最憐孤忠共
罵群邪變古成今絢爛沔葩日工畢力夕闥傳茶青青園
菜斷切交加糝和羶薺沈豆浮麻論懸幽恠地探荒遐茲
事已云樂藁尔未言奢梧桐覆牆陰鳳尾竹髮髮朱簾一
半捲燕子低飛斜玉堂晝日永列坐寂無譁縷金貼龍團
纖手勞宮娃歸來雪水煮早願黼黻于

皇家

鼠易馬詞

乘馬在廐駢首就列菽粟相和芻茭細屑黠鼠數輩顧視
出穴探知無人升槽縱餐初焉縮瑟伸頸盜竊爭食鬪暴
情態狎嫖乘馬見之斂草不輟昂藏高大謀踈計拙爾鼠
卷然不任蹉齧數犯無較下氣折節推原物理馬陽德剛
鼠陰性慝其後禍福亦甚明白千里奇材金累千百下詔
都邑喧然求索錦作障泥煌煌五色唐風著篇詩譬貪得
終遭酷吏深文切責五刑具四支磔

金玉篇贈黃生

良金可以鑄寶器美玉可以琢大圭人之生也氣質好必
竟不與凡人齊黃子豐下秀眉目不詭不激亦不隨布帛
為文菽粟為味子性平淡實似之軍門上書論利害旋奉

上命來京師數回召見

青龍殿電光遙覲

天容威賜衣不慮寒賜食不慮饑正當厦屋選群材何用
遽爾別我為來時出門父在床卧病不省今安危到家調
膳問安後趣裝便理丹來期

贈丑的平章等歸燕

路遙遙兮車可驅水渺渺兮舟可遊舟游兮津吏不我詰
車驅兮關吏不我尤從此周游于四海兮可以行樂而無
憂又何必懷于故都兮然後為之淹留

古樂府一首奉答宣州陳子將知府

宣州陳知府遺我宣州栗宣州栗子小兒拳幾箇排來盈
一尺京城今歲新炭少街頭酒薄不中喫安得羽翼生飛

去宣州知府家斟美酒燒大栗我與宣州共飲抵掌頓足
據胷臆來歲延師定阿誰今子彌陀年已來吾兄子節宜
爾客尚留金陵滯踪跡理府事加謹密遙望江東日暮雲
故人在此長相憶

山木詞一首贈賢良鄭彦材歸浙東

若有人兮山之良材枝葉離離文章盤迴鳳雛五色日夕
飛來噦噦和鳴棲峙徘徊將構大厦斬伐崔嵬匠石過之
而不顧兮觀者為之歎息而生哀

竹坡為廣州王廷瑞總管作

王侯種竹竹綠坡上自下而升秉節貞亮君子得時天衢
之象映日參差含風搖蕩地位既殊氣勢亦壯王侯置酒
與竹相向茲登名于

王家取彼竹以自況

坐高堂詩一首有序

問者胡商用示余所作詩一帙讀其五言律輕盈
瀟灑少許自足有唐詩人孟浩然之風而余平生
亦酷嗜古樂府以為不古不可以為詩是感時興
懷作坐高堂一首寄商用以見人之性情資質亦
各有所近也

坐高堂倍太守擁洪爐斟美酒雪飛漫漫塞戶牖守可以
豐樂不可以久官軍來後百姓恤薪米茫然何所有

歌行

送信州府知事許子聲

許君負材甚英俊山玄水蒼內含潤青陽殿裏拜

君王去向江東佐名郡公卿大夫饜酒肉無心愛民稽首
訓皇天與換裘馬場布衣起應文章運懷金不受又能官
督責何憂簡書峻每持文墨議論寧干尹怒寬民愠情
深折柳不當別禁釀無由買官醞臨分將何贈吾子我歌
安得汝乎斬

段家湖歌一首送秦湖官

段家湖湖茫茫湖上小屋皆漁郎打魚歸來齊唱歌湖邊
晒網列成行湖中生葑湖水慢湖魚食飽不忍散湖官監
湖制魚命執日千夫齊下棧湖魚開口出不得磨刃殺魚
水赤色剝開魚腹鹽漬之車載有擔走南北魚愚不悟舍
江來湖江流通海湖岸盤紆噫貪食飽悞人兮雖悔其何
追

黟縣丞一首寄子節家兄

黟縣丞劉子節落魄情懷謀生懶拙上床睡熟到天明不
計朝來食之絕為丞黟縣中疲馬受羈絏縣藏萬山間縣
郭居民劣丞家還住武昌省冬無衣裘逼霜雪詢土風時
飲啜精視聽寬言說與爾同宗不同舍兩地月明共圓缺
井索行

城中人家紛逐末賣魚百果并百藥丈夫婦兒百家衣起
溲薄持行且烙卜人卜吉卜鬼神卷舌為妖聞者愕各持
所業出門去暮歸收拾錢滿囊窶夫窶婦絕可憐沿道哀
吟呼井索我聞其聲出叻悲我見其人甚驚弱左纏右纏
管蒯堅或屈或盤小繩約終朝無人買一東風雨連旬若
為活市遊不願邂逅之念爾生涯獨牢落巧者言甘誇者

謾此夫性命將安托我歸閉門獨自省天下何由均苦樂
心知命也可奈何默默無言倚虛閣但不知上古伏羲軒
轅之時如斯之人又何若

兩星行奉寄江西省諸掾郎

兩星照江西一文并一武文乃上相奕若鳳麟武乃上將
赫如熊虎兩星相比作藩垣夜夜清光被吳楚諸公為掾
在其間步武神仙何可攀衣穿薇露濕簾捲夕雲開官書
纔自靜詩興又相閑彼江西之地數千里昔日相仇讐禍
患狐兔為之窟穴犬豕游乎荆管夜眠屢起夕食廢餐今
者平治險阻削落巍頑諸侯縣公聽約束稟受
王度境土頒勞持妻子問鄉井四郊日報流民還文星高
懸武宿列郎位相聯亦昭晰環拱紫宮無空缺無空缺如

散沙天下此去為一家

送李湖官

荊州湖官李汝礪少年甚有真儒意鞠躬向人長揖罷隅
坐從容吐辭氣樓上讀書不下樓樓畔喧呼日中市公清
而勤又執義宜乎以爾監湖利鰕鱖鉤中大艦牢鳬鴈矢
發生絲繫蒲荷焚菁三脊茅游條瑣碎蝦蟇細勿雲小物
可遺忘汝作湖官勤注記積少成多尚不妨額外虛張乃
其弊明年課最到中書換授可除州縣吏

寄荊州參謀劉賓旭

古鄢郢荊州城其上萬里西走巴蜀其下萬里東窺滄瀛
地連荆襄唐鄧陳蔡許汝縣亘達于洛京乃江南之屏蔽
常得中原之敵情子今參謀居此邦佐助邊將監邊兵朱

絲繩必直青銅鏡必明公務貴慎重軍旅之事尤不可輕
一步地兩步行布武稍閑憂患生白髮今幾何諸男善經
營二卽好資質讀書有所成湖官部課來金陵來時道寄
聲

九華山歌送池州湖官

吾聞九華之仙山泉水絡谷聲淙淙長松生枝屈曲走白
鶴啄食崖苔斑仙人綠玉杖飛步凌孱顏見我不顧我可
望不可攀精靈感通或邂逅可以長跪求還丹邏湖歸來
月色滿為我候之山水間

烏程戴主簿曲一首

烏程戴主簿莫飲烏程酒烏程酒好天下聞當
朝禁酒君知不好酒莫入唇好詩吟數首年來百姓多苦

辛殷勤寫上湖州守

水木居長歌

江東山人昔在谷水木之間結小屋水清木華正相值山
人亦來共幽獨山人自得水與木無食朝饑貧亦足脫巾
掛枝聽松風解帶臨流送黃鵠春夏之交草木長樹尾團
團衆枝綠雄鷄呼鳴出林間松邊哺雛松下宿粘竿魚子
亦生成下水鵝兒初試浴秋冬霜露木葉落葉漬水赤水
行沃流出門前芋區外良田一畝十鍾粟山人理絃撫白
鶴樹有鳴禽和琴曲山人開匣磨舊劍鐵腥水動蛟龍觸
山人出谷不相忘水木山居寫為幅我有先廬山之麓兵
火頻年蜂蠆毒井泉無水連林禿悔不當初畫作圖行李
相隨常在目

蕃雞曲

王者德威被四夷遠人來貢蕃國雞
蕃雞之大四夫昇伸
頭稍與長人齊通身剛鬣胡羊尾角冠錦綬青碧題山海
經中不見錄豈為時人能識之我聞鳳鳥鳴岐山羽族萬
萬皆來隨此雞爭出看鳳凰不生羽翼不解馳蕃人執之
獻

天子天子臨視白玉墀噫吁嚱海國所產誠稀奇寧無太
公與伯夷

送石外郎張外郎江西掾并呈江西叅政汪先生

石郎清且辯張卿循而慤別我賓館中去作江西掾急隨
汪大叅共上龍灣船船行經過彭蠡湖遠望香爐生紫烟
只今誰似大叅賢我曾讀他五七言風致宛似孟浩然吟

詩不問巧與拙格調高古方可傳朱簾燕喜必有作勞君
寫寄洪州篇

贈殷秀才

上海縣士人殷與成昔嘗為僧慈母關養後舍僧
而為儒吳元年詣蘇軍門上書言利害

朝廷將欲官之復不願仕仍乞養其母以終天年
上海縣裏殷秀才昔年為僧禮五臺中宵跌坐忽不樂龍
咆虎吼風木哀架上楞嚴不復看兼我歌罷歌南陔今茲
挾策干大將

讀詩趣赴京國來

天子宮之貴其才秀才中心可憐哉毋饑待兒負粟回臨
分不忍重裴徊詔舉孝弟君當魁

文卷一
臣老矣行一首贈劇子中乞身歸杭州

臣老矣不能服事

天子乞身教童蒙浮沈狎閭里小子卞許人性馴不勞箠
長者習傳茶幼者命取履周公孔子留遺文四壁喧啾鳴
兩耳兩街父母來視兒按月還錢饋甘旨劇先生大兵之
後城郭荆杞狐狸畫號麋鹿來止如何有弦誦聲如何有
大夫士煌煌朱將軍福星照城市入城不殺或有之秋毫
無犯無此比先生作歌授童子拍手攔街齊唱起將軍之
功衛社稷將軍之恩流骨髓民忘將軍如此水

不吐茹行一首贈趙荃乞歸杭州養親

館有趙荃者別我言歸去出門挽衣欲留荃家貧親病留
不住荃年三十餘面目寒稜有謀慮疾如風火健如虎奸

雄當之心膽懼荃歸家讀書處多藏諸經與古史朝朝暮暮求厭飫經營數年後乃冠獬豸帶掘具我知其人号剛不肯吐柔不肯茹

疑道篇一首用胡大史鼎寶韻贈王疑道居士

周時李公生華顛言道本在天地前所以名曰象帝先混沌沌難爲言天開地闢人物駢新之類之火盛傳皇帝王伯弥億年水德火德紀巨編古今相去雖極懸有動皆根具体全金陵官寺街東偏疑道丈室止不愆門前市場紛化遷心象五兵搜貨原或傳高曾僿業專或新執技稱媚妍變如鬼工幻如仙巧奪造化筭奪天道人習靜聖磨研歛之一握如拳然收拾至密玄之玄吉凶先知假筵簞幅巾竹杖近往還領客共啖百十錢幸無周官夫里塵羊

脂炒茶燒餅堅道家得一妙莫宣一乃可以統萬千我於
此事曾勉旃願與凝道相盤旋

巾峰圖歌爲柴公遠作

孟夏之月草木長柴子示我巾峰圖開圖視之何所如木
葉黑闇含模糊勢如大陰雷雨作鳩婦屋角鳴鳴柴子
之居在峰下義冠丈人與之俱丈人義冠不受呼色莊正
立儀薄夫其中况復蓄雷雨不測變化回焦枯

京師人烟百萬家城門一開聞過車浙東浙西好山水徒
爾楮墨相傳誇畫圖止可供玩好占佳果在何年耶終當
與子托鄰舍峰前峰後治桑麻

贈黃生歸浙東

浙東先輩黃潛卿昔游場屋負文名甲寅初科大極賦當

時讀者皆見驚黃公之孫少且俊門功薦入來

京城鳳雛翩翩色五采可昔羽翮養未成羽翮未成可柰
何開籠放飛振長鳴數年之後奮翼升自天御圖瑞太平

蔡令禱雨詞

蔡知縣祈晴得晴祈雪得雪一歲一祈尚難得一歲三祈
氏大悅白頭父老駭未聞隣境官司喜相說科頭跣足訪
龍宮炎風雨人炎火烈知縣精忠感鬼神不用丹砂寫符
訣黍黍離離四野秋爾民饑糴獨無缺早晚觀風使者來
知縣聲名上京闕

冬夜長一首

冬夜長冬夜長漏永遲遲夜未央非關冬夜長其情紆鬱
勃窣亂我中腸分明六時六十刻一似六日不可量人生

無百年我今半百強髮短且稀鬢毛雪霜歷覽古人老大
如許者早已蹈道而言揚吾聞豹死留皮人死流芳所以
夫子大聖耻四五十無聞與草木俱腐而無耿光爾豈
好游而嬉滋惰而忘讀舊書不加省索至理欠求詳與夫
聖賢匡世之志竟墮恍惚渺茫父師昔日甚奇我何其久
也失所望是以終夕無寐展轉慨慷非閑冬夜長夜長何
妨

奉題秋碧圖歌

高安縣令劉元海別號秋碧於是魯人謝雲屋秋
碧圖仍作秋碧圖記以贈之

魯國高人號雲屋自畫秋山成獨幅秋天山疲骨峻峭
見茅亭在林麓雲屋何緣善此圖清高不受泥塗辱

不愛愛長閑嶺上白雲看得足爲言即今持此本爲文送
逆高安尹高安雅性健且決伐惡誅奸疾如軍中觸者
便殺人此日還問刑曹準看君此畫讀君篇知他意味懸
相脗二公秋興且莫說我夢清遊向吳越獨騎黃鵠九霄
上方丈蓬萊經曲折青天漫漫海不波上天下天總明月
雲屋高人寫我夢還贈高安更奇絕

用前韻和荅謝雲屋

憶年客舍相連屋每日過從略邊幅君時來自武昌省解
鞍輦駐青山麓文章華好詩又工俗子前來動遭辱我時
服事羅先生貪讀古書求饜足恍然脫略舊文本想像臯
陶與伊尹秀才聞說大笑之鷦鷯肯信高飛隼先生學古
性僻拙吹竽鼓瑟何由準無因別鶴出山來清淚翩翩誰

實昭感君道故富言說頗覺流年易超越今我梳頭白髮
生君亦刈廩爲罄折可中老大禮法疏醉向江心捉明月
朝廷若用魯諸生徵車踵門誰分絕

用前韻和荅謝僉府

頭白烏飛啄大屋后土芒芒裂負嵎公卿貴人不下堂白
日鼠竄山之麓經旬不歸面不洗局促過如在囚辱舊人
忽見謝僉府玉雪長身裘馬足高堂示我水墨本難兄寫
圖贈劉尹鴻鴈高飛又作群懸知不怕秋天隼但恨黃鍾
久不鳴賈鐸啁啾作憑準聽之逆耳蚤歸來伯仲壩簾和
教胞僉府休歌聽我說折柳爲樊誰能越出門寸步荆棘
生更上羊腸千萬折愛君祝君更贈君雲霧衣裳佩明月
願言君子崇令德慎厥脩身勿自絕

五言律

湘中袁氏穴地葬其母未葬穴中生靈夢之兩莖

將穴牛眠地先生五色芝喬雲生綵旒華玉照文栢木客
殷勤種山君頃刻爲報渠好消息代出好男兒

寄謝新建尹許君

人傳新建尹服食也休貪日晏嘗魚飯天寒著布衫
僦居尋僻地見客約公參廡吏如君比何曾有二三
國破家何在携書謁尹前問云何處住見我欲言焉小邑
與文學諸生獻俸錢秀才宜領此感謝意拳拳

仲靜問有書寄子長否作五言詩一首

舊有山居約中間竟不然禮經坊共讀世故乃相牽
流水青松下孤雲夕照邊主人新酒熟乘醉寫長篇

挽李先生

窮經李夫子世亂得天年
飲酒高朋侶能官弟子賢
况聞營葬日仍費買山錢
旅殯懷諸友草生何處阡

奉和謝食府宿高牛市慈雲僧房

聞說高牛市江邊有寺基
殘僧元運末古佛晉朝時
水鳥啣魚過青苔挾雨移
我來應未卜徒尔屬精思
公有林中趣傍人不及知
喬松遙對久大暑覺凄其
水石相關極功名悔罷遲
茲遊闕陪侍應念少鍾期

和歐小官人

相國多才子庭花蔓紫荆
風驅天馬疾冰入玉壺清
愛客留連坐題詩頃刻成
邦家興禮樂賦獻大階平

七言律

送郭主簿之始興縣

行盡江西是廣間，廣間土風我善閑。
扶胥之口海門近，離火之位霜信艱。
象犀珠貝亦已富，魚鼈蝦蟇又何繁。
子今爲簿始興縣，官卑名揚懷百蠻。

挽小歐平章

知幾最說小平章，將有堅冰戒履霜。
城郭人民俱按堵，甲兵錢穀早歸王。
河西太守知興復，天水將軍陷滅亡。
生死於人亦常事，名高史冊有輝光。

寄太平程知府

程侯下馬負循良，上馬腰間羽箭長。
帶甲南趨降顓頊，連檣北上漬襄陽。
稻梁罷穫空雲水，鴻鴈來飛戒雪霜。
遙想侯邦千里地，家家襦袴理衣裳。

寄饒子律經歷

子到金陵纔幾日人家往往見題詩鏘然卑館凌雲賦最好中林挾彈辭每惜清吟無幾箇忽稱似此更爲誰交情未必曾相密公事驅馳又別離

贈黃知事歸嘉興

從事還聞子獨賢如何引興向林泉驛亭打鼓催津吏江岸飛花送客船行李月生看諫草東山日上記朝天到家不用求田宅早晚除書墮爾前

贈丑的平章等歸燕

男兒功名亦尋常宦遊難得歸故鄉江邊賤買白板舫路上穩控紫絲韁東鄰雞犬漫不省西舍兒女亦成行來問郎君發何郡昔別經今是幾霜

贈無爲知州馬文德

北遊不愛取封侯結客中州漫久留却駕騾駢尋舊路竟
歸江漢領雒州長淮水落蛟龍蟄平野田連黍稌收除却
征繇開酒禁可知大守樂無憂

和張王文監縣卞壺將軍墓

蘇峻稱兵東晉危將軍父子命同時精靈兩泣寒蜚語忠
憤風經墓木悲舉國疑誰肯戰獨君感激志難移治城
弔古閑來往佩劍無由掛樹枝

挽前江浙省丞相荅失迭木兒以其靈柩歸北燕
上相分藩出紫宮誰知禍在腹心中太平南土資方伯臨
老西湖稱寓公錦瑟罷彈塵杳杳銀轡久卸響瓏瓏龜知
白骨歸幽冀丹旆翩翾逐北風

陪陳使君游馬院廢基

結構平坡勢面陽官家繫馬列成行銀鞍待被千金價駿
尾捎風六月涼廢地居民來負土大湖春水欲頽墻從來
懷古多興慨對此如何不感傷

和

帝祠星駟屬巫陽北道驅來略大行驛使飄零龍節壞奚
官老大紵袍涼每年三月看遊牝當日千軍與築墻一片
公家舊基址於人何事繫悲傷

羅先生書舫

一室東湖穩不偏睡猫長伴藥爐邊開門絕似推蓬坐隱
几長如倚柁眠雪霽已非王子棹虹光不是米家船中藏
文字勤勤讀拋契義皇未畫前

壽寧堂代人作

五色班衣五色裳神仙高步紫薇郎暮歸先白平反案日
養兼分食萬羊佩悅薰香遲出閣氍毹擁火近移床毋言
安樂皆由汝好與邦家佐廟堂

奉和文廷家兄和荅送菜之作

誰向林間念鳳饑醴泉竹實肯相貽可憐故老懷高誼自
擬嘉蔬遺所思蔓豆經秋和藥煮枯蕪去子作笙吹故園
風物今何處悵望低垂在此時

陳丞相生日

丞相生朝喜若何東南滿目舊山河九江地接紅雲近五
老仙翻鐵笛歌宣勸中人傳玉桃永嬉群恠擁彫戈盛筵
東閣多賓客箇箇英雄入網羅

九日和陳仲益韻

亂離此日醉歌狂，夫子胡爲佑彼蒼。
東市買魚跳撥刺，西鄰分釀熟相將。
黃花句好文章古，隱者堂幽日月長。
欽罷終然成歎息，歌詩君子樂陽陽。

和伯顏子中

十年奔走大江西，自覺才名逐日微。
四邑豺狼猶未息，故山薇蕨阻當歸。
山林歲月蘆黃卷，江漢風霜欺客衣。
悞矣爲儒三十載，屠龍有術信渠稀。

筠州城外草萋萋，我里應當道路迷。
童子釣臺聞水噉，先人墓木想雲齊。
鄉關入夢如同到，妻子經心祇自啼。
最憶獨行江上路，野鷺啼遍夕陽西。

濟楚威儀佩寶刀，明明丹鳳綵爲毛。
連年科甲青雲上，近

能詩謝僉府歌聲洋溢滿筠州

右禱雨龍王廟

贈吳止善之寧都州都目任

歷碌舟移十八灘寧都賓客乍之官
亂來公事隨時結老去文書著意看
幙長豈容紗帽側曹郎盡要布袍寬
山城魚水平常儋莫厭卑微歲俸寒

贈朱誠則秀才亂後歸田園

還山不爲故人招雞犬人烟大寂寥
自擁纍裡收白骨還將符訣走山魃
亡琴暗想朱絲直毀竈猶殘赤土焦
走上峰頭望吾里林深霧暗虎狼驕

贈玉巖師住米山

師去西風草木黃米山山色轉蒼蒼
毒龍捲海前溪路木

客因風掃石床少喫山茶寒敗腹自烹野菜糝充腸擬從
城市來相訪不盡清談睡共房

奉和兵部主事漆分曹至瑞州雜詩三首

蒼耳羅生古道東莎雞亂叫野陰濃推床起去休公事騎
馬來遊省國風皇甫名園惟有址蜀江古觀悄無鍾嶽神
冷落靈何在兵火頻年過幾重

右遊筠州東嶽廟

往時裂地幾千家今見車船水陸賒海國相將呈荔子洛
陽咫尺進桃花鳳凰想像岐山瑞魴鱖沾嘗丙穴嘉努力
真心事明主把將歸興薄如紗

右思歸故鄉

望斷潯陽指日還徒勞騁卒理征鞍來時未免衣裘薄住

久不知霜露寒却饋官稱如玉潔慢期吏畏有文彈僧房
莫厭朝仍夕等是驅馳王事難

右即欲返潯陽

奉和汝南陳君賦宜春臺

昔年華構跨虛空亂後卑棲怯雨風客子來遊訪遺事將
軍感夢築新宮居民見況消磨蓋抔土空餘感慨中何以
姑蘇古臺畔嘶花野鹿起孤叢

七言絕句

聽泉鶴二首

野鶴曾爲道士來忽逢林館向泉開多年別却山中去側
耳潺湲又快哉

巖泉滴滴響丁當野鶴潛聽啄食忘獨立多時不飛起紛

紛晴雪履玄裳

題畫

何處江山隱者廬幽篁古木蔭前除鴻儒抱冊衡茅下諸
葛農閑正讀書

題山水圖

遠山曲眉隔水綠左有叢林右有木城中人家揭此圖我
去回頭看不足

題徐少卿蕃人出獵圖

陰山十月北風寒射獵陰山塞宛寬南北祗今成隔絕殊
風只向畫圖看

贈丑的平章等歸燕

江水東流汎去舟龍灣江上錢公侯南去北來路迢遞可

憐行人白却頭

壽寧堂代人作

壽寧堂構與雲齊寫榜親承相國題畫法騰拏龍虎勢放
高揭示大江西

奉和遜翁先生芍藥一枝簡贈文廷先生絕句一首
詩云老來細察瓊姬意還愛先生少一年蓋遜翁時
年七十五文廷七十四也

看花獨自易爲憐遣送先生與共妍幸喜無知閑草木任
渠大小肯忘年

奉和文廷先生三首

兵後林園絕可憐血腥和雨浣清妍天留海內文章伯紅
藥西山詠暮年

洛陽舊事有誰憐
處處行窩春日妍
司馬富文軒蓋過
看花君子盡耆年

二老看花終自憐
城春草木向誰妍
王侯第宅看栽處
暗想燕京二十年

相訪玉巖師久候不至題詩壁間而去

特地山房走一迴
寺僧不見寺門開
只言護尉相邀去
知得如何久不來

贈魏生賣文

吾家舊日有藏書
兵火連年一字無
遇買擔頭三五束
幾時收拾積成厨

我無金帛買奇書
借讀知君肯也無
龍虎戰爭都懶省
垂衣拱手講唐虞

蘆花下垂一蟹露半身出于崖下仰腹而卧伸螯探

取蘆花

蘆花裊裊拂崖泉出穴蠮螋仰腹眠欲攫蘆花還入穴偷情却被畫工傳

胡人下馬解鞍而坐視馬對胡人則仰卧而長噓

胡人下馬解鞍初馬向胡人仰卧噓胡也前身還作馬應知噓意欲何如

題耕莘圖二絕

茫茫莘野樹陰稀日出携鉏日入歸驅駕倘無真主出朝衣不擬換簑衣

阿衡自負抱長才天降商王運又開懶去候伺通姓氏甘心擁耒理蒿萊

題寄梅圖

四海相通息戰塵
布衣龍卧起江濱
嶺南忽遇皇華使
折取梅花寄北人

詩餘

紫蘭香有序

瑞陽郡推官張南湖好與儒者共飲旨酒一日喜
聞其家酒船將至而官軍適移屯舟行出瑞河口
於是又懼其見掠凡飲者聞之爲之惆悵不能已
已遂發而爲詞用饒博士紫蘭香以寄推官也

推官宅裏聽得人言酒船將到舟師恰要移屯去却是今
人煩惱急驅候吏且迴棹江心老好怕有疎虞孤負著好
事主人傾倒笑我爲儒落魄無錢使心事與誰知道今

人不似唐人好相覓應無柱老龍王古廟長想像幾船芳草船子來時把春遊約定開攄懷抱

飲酒洪之紫極宮賦寫韻軒次戴仲靜醉高樓

今古事來往似風飄百尺高城留古觀千年舊跡去如潮何處覓文簫雙白鷺飛去上青霄鐵笛仙歌方欲起香爐篆火未全消悵望暮山遙

贈高安簿尉施德祥就任改辟宣徽掾詞

瑞之高安簿尉施君德祥爲尉將滿三年改辟宣徽掾戒行之九江其縣令劉君元海屬余代之爲詞一關以餞施君詞成而郡僉府謝公君直以其所贈施君序文不鄙示余讀之再三喜公之之意與僕詞意合故寘詞卷末以見一時作者意趣略

同仍不敢進與卷中詩文並驅且以是作主於縣
令者爲嫌而終不見錄也詞之爲名念奴嬌

高山仙縣自前代多有賢人爲令嘆我無才從簿尉相與
商量衆政斟酌民情支持府事君我遙相應如何離別九
江忙赴嚴命九江何處爲郎宣徽調玉食共承神聖文
武兼資還又聞院使嚴劉懸鏡痛燭群蒙多情應念我小
邦黎姓時時談說辛苦徹他清聽

朝中措高安縣弓手等錢施簿尉

高安簿尉黑髯翁鞍馬掛雙弓幾度趨他嚴令有如大將
威風三年漸滿交游遠念日月無空山縣不如京國宣徽
尚食重瞳

馬侯錢經歷彭君解任朝中措一曲

與君左右手相同今日各西東多少事前心緒醒來覓著
無蹤三年幕裏搵心似鐵吐氣如虹論議何曾迴避多應
觸忤奸雄